

مشرق افق

۱۳۲۶

در سعادته یکی پسته خانه قارشوسنده
دائرة مخصوصه در

محل اداره:

مسکونه موافق آثار جدیده مع المنزویه قبول اولتور
درج ایدیلین آثار اعاده اولتور
انظار:

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

در سعادته نسخه سی ۵۰ پاره در

تاریخ تأسیسی:
۱۱ محوز ۳۲۴

قبریلده دن مقوا بورو ایله کوندریلیرسه سنوی
۲۰ غروش فضله آلنیر.

در سعادته	سفالکی	الق ایلمی
ولایاتده	۶۵	۳۵
ممالک اجنبیه ده	۹۰	۵۰
	۹۰	۵۰ غروشدر

در سعادته پسته ایله کوندریلیرسه ولایات بدلی اخذ اولتور.

عدد: ۱۸

۳۲۶ ذی القعدة ۳۰ پنجشنبه ۱۱ کانون اول ۳۲۴

برنجی سنه

علیه آرتق اواکی فکریمزده ثبات ایدرک ، مسلمانلرک تهذیب نسوان امر مهمنده غربده جاری اولان اصولاردن ولو هانکی برینه اتباع ایتملرینی توصیهده بولنهمایز ، مکرکه بوتون بوسوزلری یابانه آتلم ، انتقاد ایلدیکمز اسالیب تربیهده اعتراض ایدنلری — سرفرازان امتدزده اولسه — جهل ایله ، سوء نیت ایله اتهام ایدلم . یوق ، اگر بوجهت کوزیمزه دها خوش کورونیورسه بویوریکز ایستدیکمزی تقلیدایدلم ، ایستدیکمزه بکزهیدلم ! اوایله دکلده میل حقیقت بزی بوکی علی العیا حرکاتدن حمایه ایدمجهکسه اوزمان غربک حالندن عبرت آلملی ، باشلرینه بوفالقلری کترین اسبابی کندیمزدن اوزاق بولوندیرملی بز ، ناکه اونلره همحال اولهرق صوکره (ژول سیمون)ک دیدیکی کبی : « برزمانلر تعلیمده تقریبطدن مشتکی ایدک ، شمدیده افراطدن شکایت ایدیورز . » دعیهلم .

محمد عا کف

مُواعِظَات

مقرری : مناستری اسماعیل حق
محرری : سیروزل ح . اشرف ادیب

درس : ۵۱ — ۲۶ ایلول ۲۲۴

خیارامتک غیرتلیله . خیارات ... که افراد جمعیت ، یعنی اردو ، اردوده کی بیوک ضابطلر وخیل زمان اوروپاده طولاشان حیثلی ذاتلر . افندی ! هانی چوغنی بیکمزمسکز ، اشته اودوات محترمدنک سنه لرحه غیرت و همیله بوسعادی کورمک نصیب اولدی . واقعا بعض جاهلکلی واری . لکن هانکیمزک شریعتهمه تمامیله اتباعی وار ؟ اک بیوک علمامزک سکوتی اک بیوک قباحته در . هر شینه : « پکی ، پکی » دیه بیکلرحه کتاب حمام کلخنلرنده یاماردی . تربته مارفک ، اومقتل عرفانک یاننده کی جامده یاقیلان کتابلرک حد و حسابی یوقدر . تا آسمانه قدر یوکسه لهن اودومانلر استانبولک آفاقی صاردینی زمان بتون استانبول خلقی ، بوتون دعوای دیانت ایدن ذوات کوزلرینی کاشاندلره ، سرایلره نصب ایتشدی . هیچ بر حیثلی ذات کورلمدی که اورتهیه چیقوب ده :

— نه در بویایدنکز ، ای ظالملر ؟ دیسون . نه طورورسکز ای مسلمانلر ؟ دین باطیور . علم و عرفانلر دومانلره منقلب اولهرق سمارله یوکسه لیور . آیتلر خونین قلملره چزیلیور . یورکارمن یاندی . نه طورییورسکز ای مسلمانلر ؟

دیه اورتهیه چقه جق بز ذات کوره مدک . هرکس : — بکاتعاقی یوق ، دیه یان چزییور ، برچوغنی ده خفیه لک قووالاردی . اوایله دکل دی ؟ بو حاللر هرکسک معلومی ایکن شمدی بتون اومسکین مسکین سرای همایون اتکلرنده سورون کلاب دنائت بوکون دینک حامیلری (۱) (۱) (۱) اولدی . خلقی افساد ایچون دین نقابی آلتنده تلقیناته باشلادیلر .

— شوشیله اولیور ، بو بویله دیور . یوق بیلهم فلان فسفی چیقاره رق رسمنی آلدیریور ...

دیه یانیق یورکلیر ، مشعاعه حرینله جکرلری قاورولان جبارله استبداد اورتهیه چیقیدیلر . مقصدلری افساد . عوامی قانیدیره جقلرده بر فساد چیقاره جقلر . یوق اوایله بدلا شمدی . آرتق اودورلر بمنایه الله سبحان کلدی ، کچدی . اونلره اتباع ایدمجهک آدملرده ذاتا نشانلی در . اونلری تفریق قولایدلر . کوکسلرنده ، آللرنده نشانله ملعت ، نشانله ظام وعدوان منقوش در . احرار امتی ، احرارز انتباه ایلمین افراد امتی بو ثلاو ارباب خذلان تدهیش ایدمزمز . آرتق امیدنی کسسون اولی الاستبداد . نه اولدی ای شاشقین ؟ بر آدم باشندن فسفی چیقاره رق رسم آلدیرمقله نهدن دین بانسون ؟ بویله یایمق کناه ایدمده صغار دندر . کافر می اولدی ؟ حق کناه کبائرده ایشلسه همان کفریندی حکم اولنور ؟ ... بر آدم باشندن فسفی چیقاره رق رسمنی آلدیرمش ، دین اسلام نقطه نظرندن برکناه صغیری ایشلش . کافر می اولدی ؟ هر نه مقصدله اولورسه اولسون . اما کافره بکزنمک مقصدیله اولورسه او باشقه . فقط بوطاقم ذواته نصل بویله سوء ظن ایدیلر ، نصل انسان بوکا جسارت ایدر ؟ مملکت مملکت سورونیور . سنه لرحه اوراده طورییور . میلیونلره پاره تکلیف اولنور ، قبول ایتمز . بویله لری وار ایچلرنده . قطعیاً بیلورم که بعضلرینه بیکلرحه ایرا تکلیف اولندی ، قبول ایتدیلر ، آیاقلریله ایتدیلر . اوایله هالیناب ذوات . احمد رضا بکه سـ فیرلر واسطه سیله ، اربابندن ایشتم ، بیلم قاج بیک لیرالق چک ویردجک اولدیلر ، قبول ایتدی .

— بن یینرا کک یرم ، بو رذاتی قبول ایتم ، دیدی ، ملنک رفاه و سـ مادته چالیشان بو وجود کندی مساعیسیله ، ناموس وجدتیله معیشتنی تدارک ایدر . میلیونلرحه بیچاره لک یازین قیزغین کوشلر آلتنده دوکدکلی ترلردن ، قیشین خرچین روزکارلر آلتنده ساعتلرحه تتریدرک ، چالیشهرق وجوده کتیردکلی اوپاره لر ، قرق پاره لرلردن تشکل ایدن اوبیکلرحه لیرلرک هر جزئی بر آتشپاره در . قبول ایدمزم ، بو تکلیف بنی تتره تیور . بن ، « ملنک سائل جباری » دکل . بتون او ثروتلر ، احتشاملر ، دبدبیلر سزک اولسون . بنم شو کهنه اوطقم ، فقط جید قلم . . . بنم شو اکک پدیرم ، فقط آلمک تريله قازانمقدن متولد استراحت بام . . . بنم شو دبدبیه سز ، احتشام سز حیاتم ، فقط ناموسکار وجدانم بکا یتر . هرشی هرشی سزک اولسون . . .

بویله جواب ویردی اووالینجاب ذات . افندیلر ! اونلر بیوک آدملر ، حیثلی ذاتلر . رمضانده پارسده اوروج طوتدینی قسمله سویلدیلر . بنم صوک درجه ابن واعقادم اولان برذات بکا عینله سویلدی : احمد رضا بک پارسده اوروجی برکون بوزمدی . بوذات بو آدر شناس ذات حقنده بیله زباندرازا ایدنلر اولور . فقط مقصدلری اکلا شلدی . ظالمله ، فاجرله ، فاسدله الله فرصت ویرمیور . نجم سعادت بوملند طلوع ایتدی . الله بو محترم جمعی ، الی یوم القیام پایدار ایتسون . آمین ! واقعا ایچلرنده کناه کارلرده بولنور . بلکه ده اعتقاد سزقلر وار . بر حدیث شریفده [ان الله یؤید هذا الدین بالرجل الفاجر] بیورلمشدر . یعنی الله تمالی دیلر سه اک فاجر بر آدمله دینی تأیید ایدر . دینه خدمت ایدنلر ، دینک اکابرندن اولمق لازم دکل . لکن عاقبتی مطلقه ا خبر اولور . ایشلیدیکی وقت بلکه لایق دکلدر . بونجه افراد معصومدنک

ایتمه جکسک . لکن دوست اولور . صلح اوزره بولنور . کوزل چنک
ایسته یور . حسن معاشرت تصورنده بولونیور . بوکا قارشی سن ده
صوک درجه ایلاک کوستره جکسک . چونکه بر واحساندن سفی الله
منع ایتمز . (بر) تبیرنده هپسی داخلدر . مثلاً خسته سفی زیارت
ایتمش سک . تعزیتنه کیتش سک . نه لازم کلیر .

— خرستیان فصل تعزیت اولور ؟

پک اعلا اولور . بوده اسلامیتک فضائلندن در . عیاده سنه رسول الله
کیتدی . بخاریده مذکوردر . کچن هفته بونی سولشدمده بعضیلری
استغراب ایتمشلر . مأخذ بللی . یرینی کوستریورم .

[کان غلام یهودی بخدم النبی صلی الله علیه وسلم فرض وعاده
رسول الله صلعم فلما خرج قال الحمد لله الذي انقذه من النار]
بریهودی چوجنی واردی . حضرت رسول افندمزه خدمت ایدردی .
دیمک خرستیان ، یهودی خرمجی اوله بیلیر . حرام برشی دکل .
اما اوکا کوره خدمتی واردی . دوه سفی اوتلاتیردی ، بر تجارت
ایشنده می قوللانیردی . خدمتی نه ایدی ؟ بیلوروز ، آبدستنه باقه جق
دکل ، البت اوکا کوره ، حاله مناسب بر خدمت . یهودی دلقانلیسی ،
غلام یهودی . بر قاچ کون کلدی ، حضرت رسول سوال بیوردی .
— خسته در ، دیدیلر ، هم پک زیاده خسته در . بویله خبر کلدی .
همان قالقدی بالذات ، باقی کالاتی : — خدمت زده بولمشدر ،
بیوردی ، بر نوع حقوقی وار ...

بالذات کتدی . یانه اوطوردی . باقدی که پک خسته :

— اوغلم ، بر کله سولرمیسک بنم خاطریم ایچون ؟ دیدی .
باقی باقی . پیغمبر امتنه درس ویریور . اسلامیته محبت حصولنه چالشمق
ایچون امتنی فعلاً تشویق ایدر . یول کوستر :

— بر کله سولرمیسک ، دیدی ، بزدن اوله سک ؟

— نه در او ؟

— [لاله الا الله]

چوجق باباسنک یوزینه باقدی ، شویله استیذان آمیز بر نظرله :

— باقسه ک آبا نه دیور ... دیمک ایسته دی .

پدری — وجدانکه قاریشمام اوغلم ، دیدی . بن یهودی یم . سن
ایسترسه ابوالقاسم حضرتلرینه اطاعت ایت .

بونک اوزرینه چوجق [لاله الا الله] دیدی . سوکرا حضرت
پیغمبر افندمن [الحمد لله الذي انقذه من النار] بیوردیلر . بود ، بخاریده
یازیلی : خد اولسون الله که بوکا هدایت نصیب ایتدی . بعضاده
بر جنازه کچرکن ایاغه قالمش .

— یار رسول الله بو یهودیه در ! دیدیلر .

— اولسون ، دیدی ، نه ظن ایدیورسکز ، یهودیه اولمقله
انسانلقدن چیقورمی ؟ اوده جان دکل ؟ [الیست نفساً] بعضلر دیور :
بو حدیث منسوخدر . ولومنسوخ اولسون . قالقدیغنده شبهه یوق یا ؟
هم اوقیام اولویه تعظیم دکلدر . اولومه تعظیم در . قالقارسه ک اولومه
احترام ایتش اولورسک . اولن فاجر اولسون ، یا خود باشقه بر دینده
بولونسون . بونک هیچ اهمیتی یوق . هر شیده بر حکمت لدینه وار .
[ان تبهوهم] برواحساندن ، لطف کارانه معاملاتدن الله تعالی

خلاصه ، سعادتنه سبب اولدیلر . اولنک مکافاتنی الله ویرر . دیاده ده
آخرتنده مسعود قیلار .

شمدی کلام : اخوت مسئله سنده برشی سویله جکم . هانیاخرستیانلره
قارداش دینسه ضرری وارمی ؟ وطنداشم ، هم شهریم دیمک . یعنی قارداش
کبی کچنمکه مجبور اولور . بردفمه بتون ناسک ، بتون بنی آدمک
آره سنده بر رابطه انسانیت وار . سوکرا برده رابطه وطنیه . بتون
عثمانیلر قارداش در ، وطن قارداشی در . جله سنک حقوقی بر در .
باخصوص تبعه غیر مسلمه نک . اولنر اللهک عهد و امانتیه بزه تابع
اولمشلر . بر ایدک یاشامی ، دشمنلره قارشی بر ایدک سینه کرمکی تکلیف
ایدر . بوکا تشکر ایت . بولری قیرمه ، کوجندیرمه . ائی معامله دوست
ایدر . نته کیم فنا معامله ده دشمن ایدر . باقی شمدی آوستریا ایله بلغارستانه
دشمن اولدق . نیچون ؟ چونکه فسادق ایتدیلر ، بویله اک بلالی ، اک
بحرانلی بر زمانده باعث فتنه اوله جق ، هیجان آمیز نمایشلره قابو آچق
نه دیندن صاییلر ، نه ایماندن . مفسدیتدن باشقه برشی دکل . بتون
عثمانیلر دین مبین اسلامه منسوبدر . بعضیسی حقیقه مسلمان ، بعضیسی
مسلمان حکمنده . دکل که هپسی احکام اسلامیه یه تابع در ، حکماً مسلمان
صاییلر . ارمنیلر ، خرستیانلر ، موسولار اساساً مسلمان دکل . فقط
مادام که شریعت حکمنی قبول ایدرلر ، قانون شریعت معذات اجرا
ایده جک دیه اعتماد ایدرلر ، هر درلو حضرت ومنفقه اشتراک ایدرز ،
دیورلر ، بزه مصافحه ایدلم . معاهده یوقی ؟ اونه در ؟ معاهدلر
بر برنک اتی صیقار ، ذمت الله ، ذمت رسول الله اولنر . اللهک ورسولک عهدیه
بزه امانت اولونان . قابل ایسه او مودتی آر تیرملی . اسلامک علویتنی
کوسترک . اسلامک خارجنده قالانلر داخلنه کیرسونلر . [عسی الله ان یجمل
بینکم و بین الذین عادیتم منهم مودة والله قذیر والله غفور رحیم] اوقو
آتی ، باقی تفسیرینه . عدالتله معامله ایت ، انصافله ، انسانیتله حرکت
ایت ، دشمنلریکزد دوست اولسون . عداوت مودته منقلب اولسون .
غالبه دن ده قور تولورسکز .

باقی ، الله بزه سیاسی درس ویریور . بخاری شریفده وار
بو حدیث : [باب الهدیه للمشرکین وقول الله تعالی لاینهاکم الله ...
ان الله یحب المقسطین] اوکی درسلمزده ذکر ایدیشدر ، اجالاً
سویله جکز . باقی نه دیور مشرکر حقننده . یهودی ، نصرانی اولنر
اهوندلر . اهل کتاب در . یکدی یه نیر ، بوغازلیدی نه نیر . قیزی ده نکاحله
آلیر . اما مجوسیلر ، پت پرستلر اوزا قدر . (مشرک) تعبیر ایدر بخاری
شریف . بر مسئله یی تدقیق ایدیور : مشرکره هدیه و بر مک جائز میدر ؟ ..
دیور . مشرک ، که پت پرست ، بی دین . بوکا برشی هدیه ایتک جائز
دکل ؟ بر کره آتی اوقو . [عن الذین لم یقاتلوکم فی الدین ولم یخرجوکم
من دیارکم ان تبهوهم وتقسطوا الیهم] آیت جلیله ده نه بیورور ؟ ظن
ایتمک ای مسلمانلر ، ای مؤمنلر ، موحدلر ! ظن ایتمک که الله سزی
ایلاک ایتمه دن منع ایدیور . بر واحسان معامله سندن جناب حق سزی
منع ایتمز . حاشا . اولنر سزکله دین محاربه سفی ایتور . وطنکزدن ده
چیقارمایور . ولو باشقه دینده اولسون مادام که سنکله برابر یاشایور ،
نه مقاتله سفی وار ، نه عداوتی و سلاح چلمیور . چکرسه طبیعی سکوت

سزی منع ایتمز . بلکه ارباب عدالت وانصافی سور .

بونک اوزرینه امام بخاری برقصه ذکر ایدر . بردفمه عرفاروق رضی الله عنه افندمن بریده کوزل برقاشدن ، اعلا براطلاسدن برخرقه ، بررداء نفیس کوردی ، پالطودی ، خرقدی . یمن جهتندن کلش . پک بکندی ، خوشالاندی . رسول اکرم افندمنه مناسب کوردی . فقط بردفمه استیدان ایده جک :

— برخرقه لک کوردم ، دیدی ، سزک ایچون اشترا ایتسهک ... سفیرل کلدیکی وقت کیبرسکیز . اطرافدن ایلیچیلر ، مبعوثلر کلیر . ذاتا خرقه کز وار . فقط بودهانفیس ، بایرام کونلری ده استعمال اولونسه ... — نصل قاش ؟

— [خاله شیراء ...] صافی اییک . اطلاس کی ، قدیفه کی برشی ایش . — خایر ، خایر . [انما یلبسها من لاخلاق له فی الآخرة] اویله

شیلری کیلر کیبر بیلر میسک ؟ آخرته نصیبی اولمایانلر . ارککلره حرامدر ذاتا صافی اییک قاش کیک . صوکرآ آرادن برقاج مدت کجدی . حضور رسالتپناهی به اوطاقم حله لردن برقاج دانه کتیردیلر . یمن ، یاخود شام جهتندن هدیه ایتدیلر . یاخود مال غنیمت اوله رق ورود ایتمش . هر نعلسه اوراسی لازم دکل . سلطان انبیایه اونوع قاشدن برقاج دانه کلدی . حضرت پیغمبر افندمن انلری تقسیم بیوردینی صیره ده برسی حضرت عمره کوندردی . حضرت عمر آلیر آلاماز . کلدی حضوره : — یار رسول الله ، دیدی ، نفیس برطاقم قاش کوندرمش سکز . کچنده « بوقاشی آخرته نصیبی اولمایانلر کیبر » بیورمشدیکز .

— بن ، سن کیهسک دیه کوندردم . اوزرگه کی ، کز . عالمه چالم سات ، دیورم ، بلکه ساتارسک ده پاره سنی آلیرسک . قیتلی بر شی . یاخود برینه هدیه ویررسک . اونک ایچون کوندردم .

اوقت حضرت عمر رضی الله عنه نه یاپدی اوخرقه یی بیلر میسک ؟ دیه امام بخاری صورار . صاندیمی ؟ خایر . مکّه مکرّمده بر قارداشی واردی ، او هنوز مشرک ، پت پرست ایدی . اوکا کوندردی هدیه ، واقعا نسب قارداشی ، فقط ، مشرک . اهل اسلام بویه یابدجه غیر مسلمانلر کندیلرینه ایصنیلر . صوکرآ اسلامه کلدی . حضرت عمرک مشهور بر قارداشی وار . زید بن الخطاب اسمیه معروف برذات در .

شیمدی خرستیانلرده بویه اییک ایتک ، حق هدیه ویرمک مشرو عدر . صوکرآ خرستیانلرده . اوروپاده بوکون نه هنرلر ، نه صنعتلر وار . اورایه آدم کوندروب تحصیل ایتدیرمک ، یاخود استشاره ایچون ، استعانه ایچون آدم کتیرمک بوده جائزدر . معلوماتلرندن ، بهره لر ندن استفاده البت لازم . حقیقه صنعتکار حریفلر . چونکه یوزلرجه سنه لردنبری چالیشورلر ، تجربه ایدیورلر ، حیات اقوام اوزرنده صنعت و تجارت حاکم در . او علوم و صنایع جدیدیه مالک اولیان قوم یاشایه ماز . هر احتیاجزی اعدادن استعانه ، بتون ثروت ملیمیزی فدا ایدرسک یاشامق قابل دکل . عادتجه ، خوینجه اونلر کی یاپدلم ، هر خصوصده اونلر بکزه یلم دیورم . علوم وفنونی ، صنایع و ترقیاتی الهلم . چونکه علوم وفنون نصرانینک مالی دکل . علوم وفنونک مالکیقی انحصار ایتمز . اساساً هپسی بزدن النمش . مدونات اسلامیه دن اقتباس اولنش شیلردر . انلری هر کس اله بیلر . بوند ، هیچ بر محذور دینی یوقدره

فقط هر ملتک کندینه مخصوص بر طرز عادت ، بر طرز معیشتی وار . اونلره احتیاجز یوق . ذاتا بر چوق عادتنه دینمز مساعد دکل ، اوروپا عادتیه ، اخلاق و معیشتیه اصلا یاشایه ماز . اویله شیده تقلید اولماز . عادتلری ، اخلاق و معیشتلری کندیلرینه مخصوص . بزم کیلرده کندیلرینه مخصوص . لکن علوم وفنون ، صنایع بر قومک کندینه مخصوص دکل . بیکلرجه تجربه ایله وجود بولش ، بتون ملتلر بیتنده مشترک علوم وفنونی الیرسک بوند . بر محذور یوق . بلکه آلفه دینا مجبورز . [الحکمة ضالة المؤمن] حدیث شریفی معلومکزدرد . نصل که برادرمن موسی کاظم افندی پک کوزل بیان ایتشدرد . بوکا دایر بوهفته کی صراط مستقیمه غایت مفید و شایان مطالعه بر معاللملری وار . او قومکیزی توصیه ایدرم . عادات و اخلاق باشقه علوم وفنون باشقه دیور . بر برنده تلازم یوق . حالبوکه دینمز نهی امر ایدیور ؟ دائماً ایلریده بولنق ، هر درلو کشفیات ، هر درلو ترقیاته بیکانه طور مامق . دنیاچه آخرتجه منفعتی اوله جق علوم وفنون ترقیات بشریده یاردم ایده جک . اعدایه قارشی مقاومت ایده جک .

فن حرب ده مهم . حرب ایچون اسلحه لازم . اونلر هپ او قومقه اولور . علم کینا ایستر ، علم حکمت ایستر ... برطاقم دقیق دقیق فنلر . کشفلر وار . او فنونک اربابی وار . نه خارق العاده شیلر یاپارلر . اونلر هپ فن سایه سنده در . او فنو غرافلر ، او سینمه ماتوغرافلر ... اونلر ندر ؟ هپ زاده علم وفن ، هپ محصول دماغ بشر . بز : « لاف طور بیه قونورمی ؟ » دیه ضرب مثلری تکرار ایدوب طور بیورز . حالبوکه حریفلر اویله لافی طور بیه قویارلر ، اویله حبس ایدرلرکه حیرت اندر حیرت !.. نصل سوبلر ایسهک عینیه سنه لردن صوکرآ ک کوچوک اهتزاز صوتی بیله سکا تکرار ایدر . بونلر هپ عبرت آله جق ، دوشونده جک شیلردر . آژ شی دکلدرد بونلر . ندر او ماکنلر ، او بخار قوتلری ، او لوقوموتیفلر ، واپورلر ، او الکتریقلر ، او حیرت افزا شیلر ... بوندن صوکرآ بونلرله یاشانه جق ، بونلر حاجت اصلیه صره سته کجدی . استفنا حاصل اوله ماز . کبریتر یاشانماه جق ، الکتریکیسر یاشانماه جق . هله اسلحه حربیه ایچون مطلقاً آدم کتیرمکه احتیاجز وار . یاخود آوروپایه آدم کوندروب تحصیل ایتدیرمکه مجبورز . بونلره دینمز مساعد . بلکه امر ایدر . [الحکمة ضالة المؤمن] اخذها این وجدها [حکمت ، علوم وفنون ، ترقیات ... بونلر مؤمنک اموال اصلیه سی در . غیر قابل زوال بر مالی در . هر نرده بولسه اونلری آلیر . کیسه نیک برشی دیکه صلاحیتی اوله ماز . کیسه منعه قلعیشه ماز .

یالکز عبادتلیرینه اشتراک ایتمه . اسلساً علوم وفنونی اونلر بزدن آلمش . برقات ده ایلر یلشمش . کندی قوتلرله بزنی آژمشلر . بونی اعاده ایچون چالیشمالی یز . او علوم وفنون بزم اسکی مالز . ولو اونلرک اولسون . خطا ایدرز اگر تکامل ایدرسهک . یالکز نهی آلاملی یز ، بالخاصه بوگونکی کونده ؟ متاع . اونلردن پوسته یی کسرسهک بیوک انتقام در .